

四庫全書

史部

欽定四庫全書

欽定續文獻通考卷一百十四

樂考

樂歌

元郊祀樂章

成宗大德六年合祭天地五方帝樂章

元史禮樂志曰此與祭社稷先農樂章皆用金舊

名

降神奏乾寧之曲六成圓鍾宮三成黃鍾角一成太
簇徵一成姑洗羽一成

詞並同

惟皇上帝監德昭明祖考承天治底隆平孝思維則

禋祀薦誠神其降格萬福來并

按王圻續通考誤作駢照史志改

初獻盥洗奏肅寧之曲黃鍾宮

明水在下鐘鼓既奏有孚颙若陟降左右辟公處之
多士裸將吉蠲以祭上帝其饗

初獻升降奏肅寧之曲大呂宮

裡祀孔肅盥洗

按史志作薦照
王圻續通考改

初升攝齊恭敬以薦

惟馨肅雖多士來格百靈降福受釐萬世其承

奠玉幣奏億寧之曲

按四字史志闕照
王圻續通考添

大呂宮

宗祀配饗肇舉明裡嘉玉既設量幣斯陳惟德格天
惟誠感神於萬斯年休命用申

迎俎奏豐寧之曲黃鍾宮

有碩斯俎有滌斯牲鸞刀屢奏血骨載升禮崇藹粟
氣達尚厪上帝臨止享於克誠

酌獻奏嘉寧之曲大呂宮

崇崇泰時穆穆昊穹神之格思盼饗斯通犧尊載列
黃流在中酒既和止萬福攸同

亞獻奏咸寧之曲黃鍾宮

六成既闋三獻云終神具醉止穆穆雍雍和風慶雲
賁我郊宮受茲祉福億載無窮

終獻

詞同
前

徹邊豆奏豐寧之曲大呂宮

禋禮既備神具宴娛籩豆有楚廢徹不遲多士駿奔
樂且有儀乃錫純嘏永佐丕基

送神奏園鍾宮

殷祀既畢靈馭載旋禮洽和應降福自天動植咸若
陰陽不愆明明天子億萬斯年

望燎奏黃鍾宮

享申按王圻續通考作用百禮慶洽百靈奠玉高壇燔柴黃庭

祥光達曙燦若景星神之降福萬國咸寧

太常集禮曰國朝樂章皆用成字凡用寧字者金
曲也國初禮樂之事悉用前代舊工循習故常遂
有用其舊者亦有不用其詞而冒以舊號者如郊
祀先農等樂是也

大德九年以後定擬親祀樂章

禮樂志曰大德九年新建郊壇既成命大樂署編
運曲譜舞節翰林撰樂章十一月二十八日祀圜
丘用之其迎送神曰天成之曲云云

皇帝入中壇黃鍾宮

赫赫有臨洋洋在上克配皇祖於穆來享肇此大禮
乾文弘朗被袞圓丘巍巍元象

皇帝盥洗黃鍾宮

翼翼孝思明德洽禮功格元穹有光帝始著我精誠
潔茲薦洗幣玉攸奠永集嘉祉

皇帝升壇

降

大呂宮

天行惟健威德御天日月龍章筭簾宮縣蒙鞞尚明

禮璧蒼園神之格思香升燔煙

降神奏天成之曲園鍾宮三成黃鍾角一成太簇徵

一成姑洗羽一成

詞並
同

烝哉皇元丕承帝眷報本貴誠於郊殷薦藁蕪載陳
雲門六變神之格思來處來燕

初獻盥洗奏隆成之曲黃鍾宮

肇禋南郊百神受職齊潔惟先匪馨於稷迺沃迺盥
祠壇是陟上帝監觀其儀不忒

初獻升壇

降同

奏隆成之曲大呂宮

於穆圓壇陽郊奠位孔惠孔時吉蠲為饎登降祇若
百禮既至願言居歆允集熙事

奠玉幣

正配位同

奏欽成之曲黃鍾宮

謂天蓋高至誠則格克祀克禋駿奔百辟制

按王圻續通考

作玉照史志改幣斯陳植以蒼璧神其降康俾我來益

司徒奉俎奏寧成之曲黃鍾宮

我牲既潔我俎斯實笙鏞克諧籩豆有飶神來宴娛

欽茲明德永錫繁禧如幾如式

昊天上帝位酌獻明成之曲黃鍾宮

於昭昊天臨下有赫陶匏薦誠聲聞在德酌言獻之
上靈是格降福孔偕時萬時億

皇帝祗位酌獻大呂宮

至哉坤元與天同德函育羣生元功莫測合饗園壇
舊典時式申錫無疆聿寧皇國

禮樂志曰大德十一年武宗即位祭告天地命大

樂署編運皇地祇酌獻大呂宮一曲及舞節翰林
謨樂章無曲名

太祖位酌獻黃鍾宮

禮大報本郊定天位皇皇神祖反始克配至德難名
元功宏濟帝典式敷率育攸暨

禮樂志曰至大三年十一月敕以二十三日冬至
祀昊天上帝於南郊配以太祖令大樂署運製配
位及親祀曲譜舞節翰林謨樂章皇帝出入中壇

黃鍾宮曲二盥洗黃鍾宮曲一陞殿登歌大呂宮
曲一酌獻黃鍾宮曲一飲福登歌大呂宮曲一出
入小次黃鍾宮曲一皆無曲名

皇帝飲福大呂宮

特牲享誠備物循質上帝居歆百神受職皇武昭宣
孝祀芬苾萬福攸同下民陰騭

皇帝出入小次萬鍾宮

惟天為大惟帝

按王圻續
通考作仁

享帝以配祖考肅贊靈祉

定極崇功永我昭事升中于天象物畢至

文舞

崇德之舞

退武舞

定功之舞

進奏和成之曲黃鍾宮

羽籥既竣載揚玉戚一弛一張匪舒匪棘八音克諧
萬舞有奕永觀厥成純嘏是錫

亞終獻奏和成之曲黃鍾宮

有嚴郊禋恭陳幣玉大禋是承載祇載肅上帝居歆
馨香既飫惠我無疆介以景福

徹籩豆奏寧成之曲大呂宮

三獻攸終六樂斯

按王圻續通考作始照史志改

徧既右享之徹其

有踐洋洋在上默默靈眷明禋告成於皇錫羨

送神奏天成之曲圜鍾宮

神之來歆如在左右神保聿歸靈荐先後恢恢上圓
無聲無臭日監孔昭思皇多祐

望燎奏隆成之曲黃鍾宮

熙事備成禮文郁郁柴

按史志誤作紫照王圻續通考改

煙聿升靈

先下燭神人樂康永膺戩穀祚我丕平景命有僕

皇帝出中壝黃鍾宮

泰壇承光寥廓元授暢我揚明饗儀惟大九服敬宣

聲教無外皇拜天

按王圻續通考作斯照史志改

祐照臨斯屆

宗廟樂章

世祖中統四年至至元三年七室樂章

太常集禮藻云此係卷贖所載

太祖第一室

天垂靈顧地獻中方帝力所拓神武莫當陽谿昧谷

咸服要荒昭孝明禋神祖皇皇

欽定四庫全書

五經四書

卷一百一十

八

太宗第二室

和林勝域天邑地宮

按史志闕一句

南北來同

按史志闕王圻續通考作

百司分置胄教肇崇潤色祖業德仰神宗

睿宗第三室

珍符默授時昔自天爰生聖武寶祚開先霓旌迴狩
龍駕遊僊追遠如生皇慕顯然

皇伯考卓沁第四室

威

按史志此下闕一字王圻續通考作武

鷹揚冢位

按史志此下闕一字王圻續通考作

克當從龍遠拓千萬里疆誕總虎旅駐壓西方航海
梯山東西來王

皇伯考察罕台第五室

雄武軍威滋多歷年深謀遠畧協贊惟專流沙西域
饑日東邊百國畏服英聲赫然

定宗第六室

三朝承休恭己優游欽繩祖武其德聿修帝慈錫壽
德澤期周蠲蠶惟薌祈饗於幽

憲宗第七室

龍躍潛居風雲會通知民病苦軫念宸衷夔門之旅
繼志圖功俎豆敬祭華儀孔隆

至元四

按四當作
三詳後

年至十七年八室樂章

太常集禮云
周馭所藏儀

註所錄
舞節同

禮樂志曰至元三年省臣言太廟殿室向成官縣
樂器咸備請徵東平樂工赴京肄習以俟廟享制
可秋七月新樂服成樂工至自東平敕翰林院定

撰八室樂章大樂署編運舞節俾肆習之冬十有
一月有事於太廟宮縣登歌樂文武二舞咸備其
迎送神曲曰來成云云

迎神奏來成之曲九成黃鍾宮三成大呂角二成太

簇徵二成應鍾羽二成

詞並同

齊明盛服翼翼靈眷禮備多儀樂成九變烝烝孝心

若聞且見矜鑿端臨來寧來燕

按至大迎神曲詞同
但改曲名為思成

初獻盥洗奏肅成之曲

再詣盥洗同
至大以無射
後名順成之曲
詞律同

宮

天德維何如水之清維水內耀配彼天明以滌以濯
犧象光晶孝思維則式薦忱誠

初獻升殿登歌樂奏肅成之曲

降

夾鍾宮

祀事有嚴太宮有恤陟降靡違禮

按史志誤作孔照
王圻續通考改

容翼翼籩豆旅陳鐘磬翕繹於昭吉蠲神保是格

司徒奉俎奏嘉成之曲

別本所錄親
祀樂章詞同

無射宮

色純體全三犧五牲鸞刀屢奏毛魚載羹神具厭飫

聽我磬聲居歆有永胡考之寧

烈祖第一室奏開成之曲無射宮

於皇烈祖積厚流長大勲未集變伐用張篤生聖嗣
奄有多方錫我景福萬世無疆

臣等謹按前以太祖為第一室故僅有七室樂
章是年始追尊烈祖為第一室故定撰八室樂章
太祖第二室奏武成之曲無射宮

天扶昌運混一中華爰有真人奮起龍沙際天開宇

巨海為家肇修禋祀萬世無涯

太宗第三室奏文成之曲無射宮

纂成前烈底定丕圖禮文簡省禁網寬疎還風太古

躋世華胥三靈順協四海無虞

皇伯考卓沁第四室奏弼成之曲無射宮

神支挺秀右壤䟽封創業艱難相我祖宗叙親伊邇

論功亦崇春秋祭祀萬世攸同

皇伯考察罕台第五室奏協成之曲無射宮

玉牒期親神支懿屬論德疏封展親分玉相我祖宗
風櫛雨沐昔同其勞今共茲福

睿宗第六室奏明成之曲無射宮

神祖

按王圻續通考作
祖宗照史志改

創業爰著戎衣聖考撫軍代

行天威河南底定江北來歸貽謀翼子奕葉重輝

定宗第七室奏熙成之曲無射宮

嗣承丕祚累洽重熙堂構既定垂拱無為邊庭閑暇
田里安綏歆茲禋祀萬世攸宜

憲宗第八室奏威成之曲無射宮

羲馭未出螢燭騰光大明麗天羣陰披攘百神受職
四海寧康惜惜靈昭德音不忘

文舞

武定文
按之舞

退武舞

內平外
成之舞

進奏和成之曲

別本所
錄親祀

樂章
詞同

無射宮

天生五材孰能去兵恢張洪業我祖天聲干戈曲盤
濯濯厥靈於赫七德展也大成

亞獻行禮奏順成之曲

終獻詞
律同

無射宮

幽通神明所重精裡清宮肅肅百禮具陳九韶克諧
八佾粦粦靈光昭答天休日申

徹籩豆登歌樂奏豐成之曲夾鍾宮

豆籩苾芬金石鏘鏗禮終三獻樂奏九成有嚴執事
進徹無聲神保聿歸萬福來寧

送神奏來成之曲

或作保成

黃鍾宮

神主在室神靈在天禮成樂闋

按史志作闋照王圻續通考改

神返

幽元降福冥冥百神無愆於皇孝思於萬斯年

至元十八年冬十月世祖皇后祔廟酌獻樂章

按王圻續通考

比下有黃鍾宮三字史志無其文

徽柔懿哲溫默靖恭範儀宮闈任姒同風敷天寧謚
內助多功淑德祔廟萬世昌隆

禮樂志曰至元十八年冬十月昭睿順聖皇后將
祔廟製昭睿順聖皇后室曲舞

親祀禘祫樂章

未詳年月太常集禮云別本所錄以時考之疑至元三年以前擬用詳見制樂

始末

皇帝入門宮縣奏順成之曲無射宮

熙熙雍雍六合大同維皇有造典禮會通金奏王夏
祇歎神宮感格如響嘉氣來叢

皇帝升殿奏順成之曲夾鍾宮

按至大升殿詞律同

皇明燭幽沿時制作宗廟之威降登時若趨以采齊
按史志作法 聲音有恪曰藝曰文監茲衍樂

皇帝詣壘洗宮縣奏順成之曲

太常集禮云至元四年用此曲

名曰肅成至大以後用此詞律同

無射宮

酌彼行潦維挹其清潔齊以祀祀事昭明肅肅辟公
沃盥乃升神之至止歆於克誠

皇帝詣酌尊所宮縣奏順成之曲無射宮

靈庭愔愔乃神攸依文為在禮載斟匪祈皇皇穆穆

玉佩聲希列侯百辟濟濟

按史志
闕一字

威

王圻續通
考作威儀

迎神宮縣奏思成之曲

至元四年名來
成之曲詞律同

司徒奉俎宮縣奏嘉成之曲

至元四年
詞律同

酌獻始祖宮縣奏慶成之曲無射宮

啟運流光幅員既長敬恭祀事鬱鬱芬華德以舞象

功以歌揚式歌且

按王圻續通考誤作再

舞神享是皇

諸廟奏熙成昌成鴻成樂成康成明成等曲

詞調

文舞退武舞進宮縣奏肅成之曲

至元四年名和成之曲詞律同

亞終獻宮縣奏肅成之曲

至元四年名順成之曲詞律同

皇帝飲福登歌奏釐成之曲夾鍾宮

誠通恩降靈慈昭宣左右明命六合大全啐飲椒馨

純嘏如川皇人壽穀億萬斯年

徹豆登歌奏豐成之曲夾鍾宮

三獻九成禮畢樂闋于豆于登於焉靖徹多士密勿
樂且有儀能事脫穎孔惠孔時

送神奏保成之曲黃鍾宮

靈車之來不疾而速風馭言還聞其恍惚神心之欣
孝孫之祿燕翼無疆景命有僕

武宗至大以後親祀攝

按王圻續通考無攝字

樂章

太常集禮云孔思逮本所

錄

皇帝入門奏順成之曲

別本親祀禘祫
樂章詞律同

皇帝盥洗奏順成之曲

至元四年名肅
寧之曲詞律同

按寧字誤
應作成據

前八室樂
章可見

皇帝升殿登歌樂奏順成之曲

別本親祀樂
章詞律同

皇帝出入小次奏昌寧之曲

太常集禮云此金曲思
速取之詳見制樂始末

無射宮

於皇神宮象天清明肅肅來止相維公卿威儀孔彰
君子攸寧神之休之綏我思成

臣等謹按金曲第三句本作有來肅肅第五句作
禮儀卒度第七句作孔時孔惠然則思逮亦點竄
用之

迎神奏思成之曲

至元四年名來
成之曲詞律同

黃鍾宮三成大呂

角二成太簇徵二成應鍾羽二成

詞並
同

齊明成服翼翼靈眷禮備多儀樂成九變烝烝孝心
若聞且見矜靈端臨來寧來燕

初獻盥洗奏肅成之曲

別本親祀樂章名
順成之曲詞律同

初獻升殿

降

同登歌樂奏肅寧之曲

至元四年名肅
成之曲詞律同

臣

等謹按凡用寧字者皆襲金舊未改正耳此曲

在至元時已名肅成至此反稱肅寧後徹豆一曲

在至元亦稱豐成至此復稱豐寧蓋皆孔本之誤

司徒奉俎奏嘉成之曲

至元四年曲
名詞律同

太祖第一室奏開成之曲

至元四年名武
成之曲詞同

禮樂志曰開成本至元中烈祖曲名其詞則太祖

舊曲也

卷一百十四
睿宗第二室奏武成之曲

至元四年名明成之曲詞同

禮樂志曰武成亦至元中太祖曲名其詞則神祖

創業以下仍舊

世祖第三室奏混成之曲無射宮

於昭皇祖體健乘乾龍飛應運盛德光前神功者定

澤被垓埏詒厥孫謀何

按王圻續通考作億

千萬年

裕宗第四室奏昭成之曲無射宮

天啟深仁須世而昌追維顯考敢後先揚徽儀肇舉

禮備音鏘皇靈監止降釐無彊

順宗第六室奏慶成之曲無射宮

龍潛於淵德昭於天承休基命光被絃挺洋洋如臨
籩豆牲牲惟明惟馨皇祚綿延

成宗第七室奏守成之曲無射宮

天開神聖繼世清寧澤深仁溥樂協韶英宗枝嘉會
氣和惟馨繁禧來格永被皇靈

武宗第八室奏威成之曲無射宮

紹天鴻業繼世隆平惠乎中國威靖邊庭厥功惟茂
清廟妥靈歆茲明祀福祿來成

禮樂志曰至大四年六月武宗祔廟命樂正謝世
寧等編曲譜舞節翰林侍講學士張士觀撰樂章
曲名威成

仁宗第九室奏歆成之曲無射宮

紹隆前緒運啟文明深仁及物至孝躬行惟皇建極
盛德難名居歆萬祀福祿崇成

禮樂志曰延祐七年仁宗祔廟命樂正劉瓊等編
運酌獻樂譜舞節翰林撰樂章曲名敬成

英宗第十室奏獻成之曲無射宮

神聖繼作式是憲章誕興禮樂躬事烝嘗翼翼寢廟
煜有耿光于千萬年世仰明良

皇帝飲福登歌樂奏釐成之曲夾鍾宮

禮樂志曰新製曲

穆穆天子禮祀太宮禮成樂備敬徹誠通神胥樂止

錫之醇釀天子萬世福祿無窮

文舞退武舞進奏肅成

孔本作肅寧
寧字誤見前

按之曲

至元四年

名和成之
曲詞律同

亞終獻行禮官縣奏肅成之曲

至元四年名順
成之曲詞律同

臣等謹按以上二曲並稱肅成

此禮樂志
三所載

是矣而

禮樂志二又云文舞退武舞進仍用舊曲

舊名和成改

名肅寧亞終獻酌獻仍用舊曲

舊名順成

改名肅寧蓋

前後自相錯迕如此

徹籩豆登歌樂奏豐寧

按寧字誤見前

之曲

至元四年名豐成之曲詞律同

臣等謹按此云與至元四年詞律同禮樂志二又

云舊名豐成詞語亦異

送神奏保成之曲

至元四年名來成之曲詞律同

皇帝出廟廷奏昌寧

按此亦沿襲之誤

之曲無射宮

緝熙維清吉蠲致誠上儀具舉明德薦馨已事而竣
歡通三靈先祖是皇來燕來寧

文宗天曆三年明宗祔廟樂章

酌獻奏永成之曲無射宮

猗那皇明世繼神武敬天弗違時潛時旅龍旗在塗

言受率

按王圻續通考作茲照史志改

土不遐有臨永錫多嘏

社稷樂章

禮樂志曰至元三十年六月初立社稷命大樂許

德良運製曲譜翰林國史院撰樂章其降送神曰

鎮寧之曲云云皆用金舊名

降神奏鎮寧之曲林鍾宮二成

以社以方國有異典大哉元德基祚綿遠農功萬世
於焉報本顯相默佑降監壇墀

太簇角二成

錫民地利厥功甚溥昭代典禮清聲律呂穀旦于差

按王圻續通考誤
作茲照史志改

洋洋來下相比有年根本日固

姑洗徵二成

平厥水土百穀用成長扶景運宜歆德馨五祀為大
千古舉行感通盱暨登歌鎮寧

南呂羽二成

幣齊虔修粢盛告備倉庾坻京翳維之

按維疑當作誰否則之字

誤賜崇壇致恭幽光孔迺享于精

按王圻續通考作積

誠休祥

畢致

初獻盥洗奏肅寧之曲太簇宮

禮備樂陳辰良日吉挹彼樽罍馨哉黍稷濯漑揭虔
維巾及冕萬年嚴祀蹒蹒受職

初獻升壇奏肅寧之曲

降

同應鍾宮

春祈秋報古今異章民天是資神靈用彰功崇禮嚴
人阜時康雍雍為儀燔芬必香

正配位奠玉幣奏億寧之曲太簇宮

地祇嚮德稽古美報幣帛斯陳圭璋式繅

按王圻續通考作表

照史志改

載烈載燔有羞致告雨暘時若丕圖永保

司徒奉俎奏豐寧之曲太簇宮

我稼既同羣黎徧德我祀如何牲牷孔碩有翼有嚴
隨方布色報功求福其儀不忒

正位酌獻奏保寧之曲太簇宮

異世同德於皇聖造降茲嘉祥衛我大寶生乃烝民
侔德履燾厥作裸將有相之道

配位酌獻奏保寧之曲太簇宮

以御田祖皇家秩祀有民人焉盍究本始惟叙惟修
誰實介止酒旨且多盛德宜配

亞終獻奏咸寧之曲太簇宮

以引以翼來處來燕豆籩牲牢有楚有踐庸答神休

神亦錫羨土穀是依成此疇獻

徹豆奏豐寧之曲應鍾宮

文治修明相成田功功為特殊儀為特隆終如其初
誠則能通明神毋忘時和歲豐

送神奏鎮寧之曲林鍾宮

不屋受陽國所崇敬以興來歲苞秀堅穎雲駟莫駐
神其諦聽景命有僕與國同永

望瘞位奏肅寧之曲太簇宮

雅奏肅寧繁釐降格籩厥元黃丹誠烜赫肇祀以歸
瞻言咫尺萬年攸介丕承帝德

先農樂章

禮樂志曰至大二年十二月始製先農樂章以太
常登歌樂祀之先是有命祀先農以登歌樂如社
稷之制大樂署言禮祀先農如社遂錄祭社林鍾
宮鎮寧等曲以上蓋金曲也

降神奏鎮寧之曲林鍾宮二成

民生斯世食為之天恭惟大聖盡心于田仲春飭

王按

圻績通農明祀吉蠲馨香感神用祈豐年

考作勸

太簇角二成

耕種務農振古如茲爰粒烝庶功德茂垂降嘉奏艱
國家攸宜所依惟神庸潔明染

姑洗徵二成

俶載平疇農功肇敏千耦耕耘同徂隰畛田祖丕靈
為仁至盡豐歲穰穰延洪有引

南呂羽二成

羣黎力耕及茲方春維時東作篤我農人我黍既華
我稷宜新由天降康永賴明神

初獻盥洗奏肅寧之曲太簇宮

洞酌行潦真足為薦奉茲潔清神在乎前分作甘霖
沾溉芳甸慎于其初誠意攸見

初獻升壇奏肅寧之曲應鍾宮

有椒其馨維多且

按王圻續通考誤
作甘照史志改

旨式慎爾儀降

登庭止黍稷梁民無渴饑神嗜飲食永綏嘉祉

正配位奠玉幣奏億寧之曲太簇宮

奉幣惟恭前陳嘉玉聿昭盛儀肅籥純如

按如字南
疑誤

畝深耕麻麥禾菽用祈三登膺受多福

司徒奉俎奏豐寧之曲太簇宮

奉牲孔嘉登俎豐備地官駿奔趨進光輝肥碩蕃孽

歆此誠意有年斯今

按史志誤作今照
王圻續通考改

均被神賜

正位酌獻奏保寧之曲太簇宮

寶壇巍煌神應如響備膺咸有牲體必

王圻續通考作芬

芳

洋洋如在降格來享秉誠罔怠羣生瞻仰

配位酌獻奏保寧之曲太簇宮

酒清斯香牲碩斯大具列觴俎精意先會民命維食

稗莠毋害我倉萬億神明攸介

亞終獻奏咸寧之曲

按史志闕二字

宮

王圻續通考作太簇

至誠攸感盱鑿潛通百穀嘉種爰降時豐祈年孔夙

稼穡為重俯歆醴齊載揚歌頌

徹豆奏豐寧之曲應鍾宮

有來雍雍存誠敢匱廢徹不遲靈神攸嗜孔惠孔時
三農是宜眉壽萬歲穀成丕乂

送神奏鎮寧之曲林鍾宮

焄蒿悽愴萬靈來唉靈神具醉聿言旋歸歲豐時和
風雨應期皇圖萬年永膺洪禧

望瘞位奏肅寧之曲

按史志

宮

王圻續通
考作無射

禮成文備歌受清祀加牲兼幣陳玉如儀靈馭言旋

面陰昭瘞集茲嘉祥常致豐歲

宣聖樂章

元禮樂志曰釋奠宣聖樂章因宋不改

迎神奏凝安之曲黃鍾宮三成

大哉宣聖道尊德

按宋樂章作德尊

崇維持王化斯文是宗

典祀有常精純並隆神其來格於昭盛容

大呂角二成

生而知之有教無私成均之祀威儀孔時惟茲初丁

潔我盛染永言其道萬世之師

大簇徵二成

巍巍堂堂其道如天清明之象應物而然時維上丁
備物薦誠維新禮典樂諧中聲

應鍾羽二成

聖王生知闡乃儒規詩書文教萬世昭垂良日惟丁

靈承丕

按宋樂章作丕

爽揭此精虔神其來享

初獻盥洗奏同安之曲姑洗宮

右文興化憲古師經明祀有典吉日惟丁豐犧在俎

雅奏在庭周迴

按宋樂章作旋

陟降福祉是膺

初獻升殿奏同安之曲

降同南呂宮

誕興斯文經天緯地功加於民實千萬世笙鏞和鳴
染盛豐備肅肅降登歆茲秩祀

奠幣奏明安之曲南呂宮

自生民來誰底其盛惟王神明度越前聖染幣具成

禮容斯稱黍稷惟

按宋樂章作非

馨惟神之聽

奉俎奏豐安之曲

道同乎天人倫之至有享無窮其興萬世既潔斯牲
粢明醑旨不懈以忱神之來暨

大成至聖文宣王位酌獻奏成安之曲南呂宮

大哉聖王實天生德作樂以崇時祀無斁清酤惟馨
嘉牲孔碩薦羞神明庶幾昭格

兗國復聖公酌獻奏成安之曲南呂宮

庶幾屢空淵源深矣亞聖宣猷百世宜祀吉蠲斯辰

昭陳尊簋旨酒欣欣神其來止

邠國宗聖公酌獻奏成安之曲南呂宮

心傳忠恕一以貫之爰述大學萬世訓
彝惠我光明
尊闕行知繼聖迪後是享是宜

臣等謹按宗聖述聖二曲宋史未見

沂國述聖公酌獻奏成安之曲南呂宮

公傳自曾孟傳自公有嫡緒承允得其宗提綱開蘊
乃作中庸侑于元聖億載是崇

鄒國亞聖公酌獻奏成安之曲南呂宮

道之由興於皇宣聖維公之傳人知趨正與饗在堂

情文斯

按宋樂章作實

稱萬年承休假哉天命

亞獻奏文安之曲

終獻同

姑洗宮

百王宗師生民物軌瞻之洋洋神其寧止酌彼金罍
惟清且旨登獻惟三於嘻成禮

飲福受胙

與盥洗同惟國學釋奠親祀用之攝事則不用外路州縣並皆用之

徹豆奏娛安之曲南呂宮

犧象在前豆籩在列以享以薦既芬既潔禮成樂備
人和神悅祭則受福率遵無越

送神奏凝安之曲黃鍾宮

有嚴學宮四方來崇

按宋樂章作宗

恪恭祀事威儀雍雍

茲惟馨飏馭回

按宋樂章作旋

復明禋斯畢咸膺百福

望瘞

與盥洗同

右釋奠樂章皆舊曲元朝嘗擬誤易而未及用今
并附於此

迎神奏文明之曲

天縱之聖集厥大成立言垂教萬世準程廟庭孔碩
尊俎既盈神之格思景福來并

盥洗奏昭明之曲

神既寧止有孚顒若壘洗在庭載盥載濯匪惟潔修
亦新厥德對越在茲敬恭惟則

升殿奏景明之曲

降同

大哉聖功薄海內外禮隆秩宗光垂昭代陟降在庭

攝齊委佩莫不肅雍洋洋如在

奠幣奏德明之曲

圭衮尊崇佩紳列侑籩豆有楚樂具和奏式陳量幣
駸奔左右天睠斯文繫神之祐

文宣王酌獻奏誠明之曲

惟聖監格享於克誠有樂在縣有碩斯牲奉醴以告

嘉薦維馨綏以多福永底隆平

充國公酌獻奏誠明之曲

潛心好學不違如愚用舍行藏乃與聖俱千載景行
企厥步趨廟食作配祀典弗渝

邲國公酌獻

闕

沂國公酌獻

闕

鄒國公酌獻奏誠明之曲

洙泗之傳學窮性命力距楊墨以承三聖遭時之季
孰識其正高風仰止莫不肅敬

亞獻奏靈明之曲

終獻
同

廟成奕奕祭祀孔時三爵具舉是饗是宜於昭聖訓
示我民彝祀德報功配於兩儀

送神奏慶明之曲

禮成樂備靈馭其旋濟濟多士不懈益虔文教茲首

儒風是宣佑我

闕

欽定續文獻通考卷一百十四

欽定四庫全書

史部

欽定續文獻通考卷一百十五

給事中^臣陳化龍覆勘

總校官內閣中書^臣孫溶

欽定四庫全書

欽定續文獻通考卷一百十五

樂考

樂歌

明洪武元年圜丘樂章

迎神中和之曲

昊天蒼兮穹窿廣覆燾兮龐洪建圜丘兮國之陽合
衆神兮來臨之同念螻蟻兮微衷莫自期兮感通思

神來兮金玉其容馭龍鸞兮乘雲駕風顧南郊兮昭
格望至尊兮崇崇

奠玉帛肅和之曲

聖靈皇皇敬瞻威光玉帛以登承筐是將穆穆崇嚴
神妙難量謹茲禮祭功微是皇

進俎凝和之曲

祀儀祗陳物不於大敢用純犢告於覆載惟茲菲薦
恐未周完神其容之以享以觀

初獻壽和之曲武功之舞

眇眇微躬何敢請於九重以煩帝聽帝心矜憐有感
而通既俯臨於几筵神續紛而景從臣雖愚蒙鼓舞
歡容乃子孫之親祖宗酌清酒兮在鍾仰至德兮元
功

亞獻豫和之曲文德之舞

荷天之寵瞻駐紫壇中情彌喜臣庶均懼趨蹌奉承
我心則寬再獻御前式燕且安

終獻熙和之曲文德之舞

小子於茲惟父天之恩惟恃天之慈內外慈懃何以將之莫有芳齊設有明粢喜極而抃奉神燕娛禮雖止於三獻情悠長兮遠而

徹饌雍和之曲

烹飪既陳薦獻斯就神之在位既歆既右羣臣駿奔徹茲俎豆物倘未充尚幸神宥

送神安和之曲

神之去兮難延想遐袂兮翩翩萬靈從兮後先衛神
駕兮回旋稽首兮瞻天雲之衛兮眇然

望燎時和之曲

焚燎於壇燦爛晶熒幣帛牲黍冀微帝京奉神於陽
昭祀有成肅然望之玉宇光明

王圻續通考曰命朱升等撰圜丘方丘樂章

洪武八年御製圜丘樂章

迎神

仰惟兮昊穹臣率百職兮迓迓幸來臨兮壇中上下
護衛兮景從旌幢繚繞兮四維重悅聖心兮民獲年
豐

奠玉帛

民依時兮用工感帝德兮大化成功臣將兮以奠望
納兮微衷

進俎

庖人兮列鼎般羞兮以成方俎兮再獻願享兮以歆

初獻

聖靈兮皇皇穆嚴兮金牀臣令樂舞兮景張酒行初

獻兮捧觴

亞獻

載斟兮載將百辟陪

按王圻續通考作從

祀兮具張感聖情

按王

圻續通考作神

兮無已拜手稽首兮願享

終獻

三獻兮樂舞揚毅羞具納兮氣藹而芳光朗朗兮上

按王圻續通

考多下字

方況日吉兮時良

徽饌

粗陳菲薦兮神喜將感聖心兮何以忘民福留兮佳
氣昂臣拜手兮謝恩光

送神

旌幢

按王圻續通考作幡

煜煜兮雲衢長龍車鳳輦兮駕飛揚

遙瞻冉冉兮去上

按王圻續通考作上下

方可見

按二字王圻續通考作必

字
蒸民兮永康

望燎

進羅列兮詣燎

按王圻續通
考作燎瘞

方炬焰發兮煌煌神變

化兮物全於上

按四字王圻續
通考作束帛將

感至恩兮無量

臣

等謹案自進俎至望燎七首後十二年合祀同

用則此處自應作詣燎方而合祀當從王圻續通

考作燎瘞即標題亦當作望燎瘞也

洪武二年方丘樂章

迎神中和之曲

坤德博厚物資以生承天時行光大且寧穆穆皇祇
功化順成來御方丘嚴恭奉迎

奠玉帛肅和之曲

地有四維大琮以方土有正色制幣以黃敬存於中
是薦是將奠之几筵臨鑒洋洋

進俎凝和之曲

奉將純牡其牡童犢烹飪既嚴登俎惟肅升壇昭薦
神光下燭眷佑邦家報効惟篤

初獻壽和之曲武功之舞

午為盛陽陰德初萌天地相過品物光榮吉日令辰
明祀攸行進以醇醴展其潔清

亞獻豫和之曲文德之舞

至廣無邊道全持載山岳所憑海瀆咸賴民資水土
既安且泰酌酒揭虔功德惟大

終獻熙和之曲文德之舞

庸眇之資有此疆宇匪臣攸能仰承佑助恩崇父母

臣惟鼓舞八音宣揚疊侑明醑

徹饌雍和之曲

牲牲在俎籩豆有實臨之盼饗匪惟飲食登歌乃徹
薦獻爰畢執事奉承一其嚴慄

送神安和之曲

神化無方妙用難量其功顯融其祀悠長飈輪云旋
龍控鸞翔拜送稽首瞻禮餘光

望瘞時和之曲

牲醴制幣餼饌惟馨瘞之於坎以達坤靈奉神於陰
典禮是程企而望之厚壤寬平

朱國禎明大政記曰洪武二年五月癸卯夏至祭
皇地祇方丘改望燎為望瘞

洪武八年御製方丘樂章

迎神

仰皇祇兮駕來川嶽從迎兮威靈備開香烟繚繞兮
神臨御街漸升壇兮穆穆靄瑞氣兮應結樓臺以微

衷兮率職幸望聖悅兮心諧但允臣兮固請願嘉茲
民兮永懷

奠玉帛

臣奉兮以筐玉帛是進兮歲奠以常百辟陪祀兮珮
聲琅琅惟南薰兮解愠映燎炎兮煌煌

進俎

庖人兮進湯大烹牲兮氣霽而芳以徹衷兮獻上曰
享兮曰康

初獻

初獻行兮捧觴聖靈穆穆兮洋洋為蒸民兮永康暨
豐年兮耿光

亞獻

維穀羞兮已張法前王兮典章臣固展兮情悃用斟
醴兮載觴

終獻

爵三獻兮禮將終臣心眷戀兮無窮恐穀羞兮未具

將何報兮神功

徹饌

俎豆徹兮神熙鸞輿駕兮旋歸百神翼翼兮雲衣敬
奉行兮弗敢違

送神

祥風興兮悠悠雲衢開兮民福留歲樂爲民兮大有
愬洋洋兮舉觴戴酒

望瘞

殺羞玉帛兮瘞坎中遙瞻隱隱兮龍旗從祀事成兮
盡微衷感厚德兮民福雍雍

陳仁錫皇明世法錄曰八年四月上親製二丘樂
章成初二丘樂章皆翰林學士朱升等所撰上謂
其文深而詞藻故更製之

洪武十二年合祀天地樂章

迎神中和之曲

荷蒙天地兮君主華夷欽承踴躍兮備筵而祭誠惶

無已兮寸衷微仰瞻俯首兮惟願來期想龍翔鳳舞
兮慶雲飛必昭穆穆兮降壇壝

奠玉帛肅和之曲

天垂風露兮雨澤霑黃壤氤氳兮氣化全民勤畎畝
兮東帛鮮臣當設宴兮奉來前

進俎以後咸同八年圜丘詞

世法錄曰十二年春正月始合祀天地於大祀殿
初上以即位以來每當祭祀齋期多有風雨覽京

房災異之說乃定天地合祀禮更其樂章既奏草木不搖卿雲縹緲上大悅特作歌十一章以紀之

祭告天地樂章

後更定

迎神

天道大矣物繇以生地道廣矣物因以成惟鴻恩是資惟禋祀是明神之格兮瞻續紛其並迎

奠玉帛

奠以嘉玉栗而溫兮薦以重幣煜其文兮庶鑒茲哉

斯禮之存兮

奉牲

既虔我祀既具我牲角賁繭栗心之誠有必其芬于

豆于登五音會合祝而平

疑有說脫

上帝獻酌

仰明明瞻巍巍如事父粟以夔物莫稱德曷報之酌

用陶匏斯其宜

地祇酌獻

勢廣厚德含弘五行具百物生承天之施功之成何以報貺醕惟馨

上帝亞獻

父事惟天格神以心赫赫在上洋洋若臨樂既具止有鏘其音酌言再之庶明明之降歆

地祇亞獻

母事惟地物無不載九賦既登百貨是賴罔敢煩而瀆罔敢忽而怠昭茲加貺沛兮未有艾

上帝終獻

禮行匪懈祀事兆明瑤席菲菲華鐙煌煌豐我粢盛
潔我豆觴陰陽之和邦家之昌

地祇終獻

六府孔修生我兆民廣厚之功陸海之珍洞洞屬屬
清醑以陳所佑惟德禎祥其增

分獻

鸞輿下臨從百神金支秀華耀五莖雲我我靈欣欣

位以序列享明禋

徹俎

禮嚴厥初尤慎乎終徹以示敬儀雍雍嘒嘒管簫五音從

望燎瘞

在纁維玉在筐維幣禮從厥初乃燎乃瘞凝屹立瞻以匪終怠

送神

神馳若馳喬雲上翔蒼龍並騰車以行顧茲瑤壇兮
尚有榮光

臣等謹案此十三首未詳何時所撰豈即十二年
合祀之初擬撰而其後復改用前九首耶

嘉靖九年復定分祀園丘樂章

迎神中和之曲

仰惟元造兮於皇昊穹時當肇陽兮大禮欽崇臣惟
蒲柳兮螻蟻之衷伏承眷命兮職統羣工深懷愚昧

兮恐負洪德爰遵彝典兮勉竭微忠

按史志誤作衷
照王圻續通考

改遙瞻天闕兮寶輦臨壇臣當稽首兮祇迓恩隆百

辟陪列兮舞拜於前萬神翊衛兮以

按史志作而照
王圻續通考改

西以東臣俯伏迎兮敬瞻帝御願垂歆鑒兮拜德曷

窮

奠玉帛肅和之曲

龍輿既降兮奉禮先爰有束帛兮暨瑤瑄臣謹上獻

兮

按兮字史志脫照
王圻續通考添

進帝前仰祈聽納兮荷蒼乾

進俎豆凝和之曲

穀羞珍饌兮薦上元庖人列鼎兮致精虔臣盍祇獻
兮馨醴牲願垂歆享兮民福淵

初獻壽和之曲

禮嚴初獻兮奉觴臣將上進兮聖皇聖皇垂享兮穆
穆臣拜手兮何以忘

亞獻豫和之曲

禮觴再舉兮薦玉漿帝顏歆悅兮民福昂民生有賴

兮感上蒼臣惟鞠拜兮荷恩長

終獻熙和之曲

三獻兮禮告成一念微衷兮露悃情景張樂舞兮聲
鏗鉦仰瞻聖容兮俯錫恩泓

徹饌雍和之曲

祀禮竣兮精意禋三獻備兮誠已申敬徹弗遲兮肅

恭寅恐多弗備兮惟賴洪仁

按史志作神照
王圻續通考改

送神清和之曲

裡事訖終兮百辟維張帝垂歆鑒兮沐澤汪洋龍車
冉冉兮寶駕旋雲靈風鼓舞兮瑞露清灑洪恩浩蕩
兮無以為酬粗陳菲薦兮已感歆嘗香氣騰芳兮上

徹帝座仰瞻聖造兮賜福

按福字史志脫照
王圻續通考添

羣方臣

同率土兮載懽載感祇迴寶輦兮鳳嘯龍翔誠惶誠
恐兮仰戀彌切願福生民兮永錫亨昌

望燎時和之曲

龍駕寶輦兮昇帝鄉御羞菲帛兮奉燎方環珮鏗鏘

分羅壇壝炬焰特舉兮氣輝煌生民蒙福兮聖澤霑
臣荷眷佑兮拜謝恩光

嘉靖九年復定方丘樂章

迎神中和之曲

俯瞻兮鳳輦來靈風兮拂九垓川嶽從兮後先百辟
列兮襄陪臣拜首兮迓迎願臨享兮幸哉

奠玉帛廣和之曲

祀禮有嚴兮奉虔玉帛在筭兮來前皇靈垂享兮以

納烝民率土兮樂豐年

進俎咸和之曲

穀羞馨兮氣芳庖人奉役兮和湯奉進兮皇祇歆慰
臣稽首兮敬將

初獻壽和之曲

酒行初獻兮樂舞張齊醴明潔兮馨香願垂享兮以
歆生民安兮永康

亞獻安和之曲

載獻兮奉觴神頤和懿兮以嘗功隆厚載兮配天民
感德兮無量

終獻時和之曲

三進兮玉露清百職奔繞兮佩環鳴鳧鐘鷺

按史志
誤作露

照王圻續
通考改

鼓兮韻錚錚願留福兮羣生

徹饌貞和之曲

禮告終兮徹敢違深維一念兮誠意徹神垂博容兮
聽納恐未備兮惟慈依

送神寧和之曲

禮成兮誠已伸駕還兮法從陳靈祇列兮以隨百辟
拜兮恭寅望坤宮兮奉辭願普福兮烝民

望際

按際當
作際

曲同寧和

臣等謹按大政記世法錄並云洪武四年二月詔
太常司凡祭祀配享之位不別奏樂故終明代無

配位樂章

洪武三年朝日樂章 二十一年罷

按禮志云帝以大
明夜明已從祀園

丘逆罷朝日

夕月之祭

迎神熙和之曲

吉日良辰祀典式陳純陽之精惟是大明濯濯厥靈
照鑒我心以候以迎來格來歆

奠幣保和之曲

靈旗莅止有赫其威一念潛通幽明弗違有幣在篚
物薄而微神兮安留尚其享之

初獻安和之曲武功之舞

神兮我留有薦必受享祀之初莫茲醴酒晨光初升
祥徵應候何以侑觴樂陳雅奏

亞獻中和之曲文德之舞

我祀維何奉茲犧牲爰酌醴齋貳觴載升洋洋如在
式燕以寧庶表微衷交於神明

終獻肅和之曲文德之舞

執事有嚴品物斯祭黍稷非馨式將其意薦茲酒醴
成我常祀神其顧歆永言樂只

徹饌凝和之曲

春祈秋報率為我民我民之生賴于爾神維神佑之
康寧是臻祭祀云畢神其樂忻

送神壽和之曲

三獻禮終九成樂作神人以和既燕且樂雲車風馭
靈光昭灼瞻望以思邈彼寥廓

望燎豫和之曲

俎豆既徹禮樂已終神之云旋倏將焉從以望以燎

庶幾感通時和歲豐維神之功

嘉靖九年復定朝日樂章

按禮志云帝謂日月照臨其功甚大太歲等神歲有二祭

而日月星辰止一從祭義所不安大學士張璉亦以為缺典遂定春秋分之祭如舊儀

迎神熙和之曲

仰瞻兮大明位尊兮王宮時當仲春兮氣融爰遵祀禮兮報功微誠兮祈神昭鑒願來享兮迓神聰

奠玉帛凝和之曲

神靈壇兮肅具恭有帛在筐兮赤琮奉神兮祈享以

納子躬奠兮忻以顯

初獻壽和之曲

玉帛方奠兮神歆酒行初獻兮舞呈齊芳馨兮犧色
駢神容悅兮鑒予情

亞獻時和之曲

二齋升兮氣芬芳神顏怡和兮喜將予令樂舞兮具
張願垂普照兮民康

終獻保和之曲

愍勤三獻兮告成羣職在列兮周盈神錫休兮福民
生萬世永賴兮神功明

徹饌安和之曲

一誠盡兮予心懌五福降兮民獲禧仰九光兮誠已
申終三獻兮徹敢進

送神昭和之曲

祀禮既周兮樂舞揚神享以納兮還青鄉予當拜首
兮奉送願恩光兮普萬方永耀熹明兮攸賴烝民咸

仰兮恩光

望燎之曲

觀六龍兮御駕神變化兮鳳翥鸞翔東帛穀羞兮詣
燎方佑我皇明兮基緒隆長

明史樂志曰時方釐定南北郊復朝日夕月之祭
命詞臣取洪武時舊樂歌一切更改

洪武三年夕月樂章

周天星
辰附

二十一年罷

迎神凝和之曲

欽定四庫全書

欽定詩文獻通考

十

吉日良辰祀典式陳太陰夜明以及星辰

四年星辰別祀改以

及星辰句為惟德孔神

濯濯厥靈昭鑒我心以候以迎來格來

歆

奠帛以下咸同朝日

嘉靖九年復定夕月樂章

迎神凝和之曲

陰日配合兮承陽宗式循古典兮齊以恭覩太陰來

格兮星辰羅從

按禮志云朝日無從祀夕月以五星二十八宿周天星辰共一壇南向拊

馮
子拜手兮迓神容

初獻壽和之曲

神其來止有嚴其誠玉帛在篚清醑方盈奉而奠之
願鑒微情夫祀兮云何祈佑兮羣氓

亞獻豫和之曲

二觴載斟樂舞雍雍神歆且樂百職惟供願順軌

按史

志作歸照王
圻續通考改

今五行祈民福兮惟神必從

終獻康和之曲

一誠以申三舉金觥鐘鼓鈎鈎環珮琤琤鑿予之情
願永保我民生

徹饌安和之曲

禮樂肅具精意用申位坎居歆納茲藻蘋徹之弗遲
儀典肅陳神其鑒之佑我生民

送神保和之曲

禮備告終兮神喜旋穹碧澄輝兮素華鮮星辰從兮
返神鄉露氣清兮霓裳踰躡

望瘞之曲

穀羞兮束帛薦之於

按王圻續通考無於字

瘞兮罔敢愆子拜

手兮奉送願永貺兮民樂豐年

嘉靖十年定祈穀樂章

迎神中和之曲

臣惟穹昊兮民物之初為民請命兮祀禮昭諸備筵
率職兮祈洪庥臣衷微眇兮悃懇誠攄遙瞻駕降兮
霽色輝歡迎鼓兮迓龍輿臣愧菲才兮后斯民願福

斯民兮聖恩渠

奠玉帛肅和之曲

蒸民勤職兮農事顓蠶工亦慎兮固桑阡玉帛祇奉
兮暨豆籩仰祈大化兮錫以豐年

進俎咸和之曲

鼎烹兮氣馨香羞兮旨醑帝垂享兮以歆蒸民蒙福
兮以寧

初獻壽和之曲

禮嚴兮初獻行百職趨蹌兮珮琚鳴臣謹進兮玉觥
帝心歆鑒兮歲豐亨

亞獻景和之曲

二觴舉兮致虔清醴載斟兮奉前仰音容兮忻穆臣
感聖恩兮實拳拳

終獻永和之曲

三獻兮一誠徹禮禮告成兮帝鑒是依烝民沐德兮
歲豐穰臣拜首兮竭誠祈

徹饌凝和之曲

三獻周兮肅乃儀俎豆敬徹兮弗敢遲願留福兮丕
而曰雨曰暘兮若時

送神清和之曲

祀禮告備兮帝鑒彰臣情上達兮感昊蒼雲程肅駕
兮返帝鄉臣荷恩眷兮何以忘祥風瑞靄兮彌壇壝
烝民率土兮悉獲豐康

望燎太和之曲

送觀兮天衢長邈彼寥廓兮告上方東帛薦火兮

按樂

律志有

升聞悃悃

按樂律志有己字

通兮沛澤長樂終九奏

兮神人以和臣同率土兮感荷恩光

臣等謹按嘉靖實錄云九年六月禮部請令翰林

院撰祈穀樂章明史樂志第一云嘉靖九年帝親

製祈穀樂章命太常協於音譜明大政記云嘉靖

九年七月太常寺進御製祈穀樂章所叶音譜明

史禮志第二云嘉靖十年始以孟春上辛日行祈

穀禮於大祀殿

樂志第一於年月有誤已詳辨於
歷代樂制嘉靖十年祈穀條下

嘉靖十七年定大饗樂章

迎神中和之曲

於皇穆清兮弘覆惟仁既成萬寶兮惠此烝民祇受
我明兮欲報無因爰稽古昔兮式展明禋肅肅廣庭
兮遙遙紫旻笙鏞始奏兮祥風導雲臣拜稽首兮中
心孔懃爰瞻寶輦兮森羅萬神庶幾昭格兮眷命其
由徘徊顧歆兮暨我恭寅

奠玉帛肅和之曲

捧珪幣兮瑤堂穆將愉兮聖皇秉予心兮純一荷帝

德兮溥將

進俎凝和之曲

歲功阜兮庶類成黍稷饒兮濡鼎馨敬薦之兮慙菲
輕大禮不煩兮惟一誠

初獻壽和之曲

金風動兮玉宇澄初獻觴兮交聖靈瞻元造兮懷鴻

禎曷以酬之心怍怍

亞獻豫和之曲

帝眷我兮居歆紛繁會兮五音再捧觴兮莫殫臣心
惟帝欣懌兮生民是任

終獻熙和之曲

綏萬邦兮屢豐年眇眇予躬兮實荷昊天酒三獻兮
心益虔帝命參與兮勿遽旋

徹饌雍和之曲

祀禮既洽兮神人肅雍享帝享親兮勉竭臣衷惟洪
恩兮罔極儼連蜷兮聖容

送神清和之曲

九韶既成兮金玉鏗鏘百辟森立兮威羽斯藏皇天
在上兮昭考在旁嚴父配天兮祇修厥常殷薦既終
兮神去無方元雲上升兮鸞鵠參翔靈光回照兮郁
乎芬芳載慕載瞻兮願錫亨昌子孫庶民兮惟帝是
將於昭明德兮永懷不忘

望燎時和之曲

龍輿杳杳兮歸上方
金風應律兮燎斯揚
達精誠兮合靈光
帝廷納兮玉帛將
顧下土兮眷不忘
願錫吾民兮長阜康

嘉靖十七年上皇天上帝泰號樂章

按王圻續通考誤作萬曆三年更定

分祀圖
丘樂章

迎帝神中和之曲

於昔洪荒之初兮混濛五行未運兮兩曜未明其中

挺立兮有無容聲神皇出御兮始判濁清立天地
立人兮羣物生生

升冊表元和之曲

帝闢陰陽兮造化張神生七政兮精華光圓覆方載

兮兆物康臣敢祇報兮拜薦帝曰

按王圻續通
考脫曰字

皇

奠玉帛休和之曲

帝垂

按王圻續通
考作皇聰

聽兮義若親子職庸昧

按樂律志
脫昧字

兮無由申冊表荷鑒兮泰號式尊敬陳玉帛兮燕賀

洪仁

進俎豫和之曲

大筵宏開歡聲如雷皇神賜享臣衷涓埃大鼎炮烹

殺羞馨載上

按會典脫上字照
王圻續通考添

帝歆兮兆民之福臣

感恩兮何如幸哉

初獻壽和之曲

大高降恩鑒微情何以承臣愚端拜捧瑤觥聖壽無

極萬古

按會典脫萬古二字照
王圻續通考樂律志添

并

奉祝景和之曲

帝皇立命兮肇三才中分民物兮惟天徧該小臣請
命用光帝陪庶永配於皇穹哉

亞獻太和之曲

羣生總總兮悉蒙始恩人物盡圉兮於帝仁羣生荷
德兮誰識所從來於惟皇兮億兆物之祖真

終獻永和之曲

寶宴宏玉几憑瓊液升樂舞翺協氣凝民物初臣衷

蹇蹇兮報無能

徹饌咸和之曲

大奏既成微誠莫傾皇德無京陶此羣生巨細幪

剡小臣之感衷兮罔罄愚情

按王圻續通考誤作忱

實

按實字王圻續

通考

弘涵

按涵字王圻續通考脫

而容納兮曲賜生成

送神清和之曲

禮祗冊薦兮皇神垂享萬舞畢舉兮九成已行帝錫

洪涵兮大我家慶金鳴玉振兮聲鏜鏜羣僚環珮兮

響玕璫神人交賀兮贊帝皇寶稱泰號兮曷有窮量
永固高厚兮宰御久長微臣頓首叩首兮攸沐恩光
奉燎熙和之曲

瑤簡拜書兮泰號成奉揚帝前兮資離明珍幣嘉肴

兮與祝誠均登巨燭兮達元清九垓

按樂律志作海

四表兮

莫不昂瞻庶類品彙兮

按以上九字樂律志脫

悉慶洪名

嘉靖十八年興都大饗章

迎神中和之曲

仰高高之在上兮皇穹冒九圍之徧覆兮罔止西東
王者出王游衍兮必奉天顧愚臣之此行兮豈荷帡
幪

初獻壽和之曲

於昭帝庥兮臣感恩淵淵巡省舊藩之地兮實止承
天下情思報兮此心拳拳瓊卮蒼幣兮捧叩壇前
亞獻數和之曲

樂奏兮三成觴舉兮再呈帝鑒凡

按王圻續通考
作幾實錄同

徵

兮曰爾誠

按王圻續通考作誠爾寶錄同

小臣頓首兮敢不嚴於此

精

按王圻續通考作誠寶錄同

終獻承和之曲

臣來茲土本之思親思親伊何昌厥嗣人嗣人克昌

匪戴

按史志作戴照王圻續通考改

帝之臨汝夫何因

微饌永和之曲

肅其具兮祀禮行備彼儀兮樂舞張退省進止兮臣
疎且狂沐含仁兮何以量

送神感和之曲

王之狩兮典有禋望於維柴祀兮首重上蒼臣情罔
殫兮夙夜惶惶祇伸愚悃兮允賴恩光遥瞻兮六龍
騰翔帝垂祉兮萬世永昌

嘉靖實錄曰十八年三月甲申享上帝於龍飛殿
奉皇考配帝親製樂章

臣等謹按明史世宗本紀云十八年三月庚辰至
承天辛巳謁顯陵甲申享上帝於龍飛殿奉睿宗

配秩於國社國稷徧羣祀夏言桂洲文集云謁顯
陵樂章二闋一奏報親思之曲調御鑿歌二奏還
朝之曲調闕祀國社稷山川壇禮成樂章一闋一
奏報神功之曲調御鑿歌云云蓋皆祭祀回鑿樂
歌樂志不載附存其目聊以備考云

嘉靖十一年定雩祀樂章

按嘉靖實錄云十七年七月
禮部言先年本部議擬雩壇

祈禱禮儀已經撰有樂章而儀物未備宜命
所司製造并選樂舞生教習歌舞得旨報罷

迎神中和之曲

於穆上帝爰處瑤宮咨

按史志誤作資
照樂律志改

爾黎庶覆憫

曷窮旗幟戾止委蛇雲龍霖澤斯溥萬寶有終
奠帛肅和之曲

神之格思奠茲文繡盛樂斯舉香氣氤氳精禋孔燭
徹於紫冥懇祈膏澤渥我嘉生

進俎咸和之曲

百川委潤名山出雲愆暘孔熾膏澤斯屯祈年於天
載牲於俎神之格思報以甘雨

初獻壽和之曲

有嚴崇祀日吉辰良酌彼

按史志誤作被照樂律志改

罍洗椒馨

飴香元功溥濟時雨時暘惟神是聽綏以多福

亞獻景和之曲

皇皇裡祀孔惠孔明瞻仰來歆拜首欽承有醴惟醑

有酒維清雲韶侑獻肅雍和鳴聖靈有赫鑒享精誠

終獻永和之曲

靈承無斃駿奔有容嘉玉以陳酌鬯以供禮三再稱

誠一以從備物致志申薦彌恭神昭景貺佑我耕農
徹饌凝和之曲

有赫旱暵民勞瘁斯於牲於醴載舞載時禮成三獻
敬徹不遲神之聽之雨我公私

送神清和之曲

爰迪寅清昭事昊穹仰祈甘雨惠我三農既歆既格
言歸太空式霑下土萬方其同

望燎太和之曲

赤龍旋馭禮洽樂成燔燎既舉昭格精禋維帝降康
雨施雲行登我黍稷溥受厥明

祭畢樂舞童羣歌雲門之曲

景龍精兮時見測鷄緯兮宵懸肆廣樂兮鏗鉤列皇
舞兮踰躑祈方社兮不莫薦圭璧兮孔虔需密雲兮
六漠霈甘澍兮九元慰我農兮既渥錫明始兮有年
洪武元年太社稷異壇同壇樂章

迎神廣和之曲

五土之靈百穀之英國依土而寧民以食而生基圖
肇建祀禮修明神其來臨肅恭而迎

奠幣肅和之曲

有國有人社稷為重昭事之初玉帛虔奉維物匪奇
敬實將之以斯為禮奠達明祇

進俎凝和之曲

崇壇北向明禋方闡有潔犧牲禮因物顯大房載設
中情以展景運既承神貺斯衍

初獻壽和之曲武功之舞

太社云

高為山林深為川澤崇邱廣衍亦有原隰惟神所司百靈效職清醴初陳顯然昭格

句龍配云

平治水土萬世神功民安物遂造化攸同嘉惠無窮報祀宜豐配食尊嚴國家所崇

太稷云

黍稷稻粱來牟降祥為民之天豐年穰穰其功甚大其恩正長乃登芳齊以享以將

后稷配云

皇皇后稷克配于天誕降嘉種樹藝大田生民

粒食功垂萬年建壇於京歆茲吉蠲

亞獻豫和之曲文德之舞

大社云廣厚無偏其體弘兮德侔坤順萬物生兮錫民

地利神化行兮恭祀告虔國之禎兮

句龍配云周覽四方偉烈昭彰九州既平五行有常壇位

以妥牲醴之將是崇是嚴煥然典章

太稷云億兆林林所資者穀雨暘應時家給人足倉庾

坻京神介多福祇薦其儀昭事維肅

后稷
配云

躬勤稼穡有相之道不稂不莠實堅實好農事

開國王基永保有年自今常奉蘋藻

終獻豫和之曲文德之舞詞同亞獻

徹豆雍和之曲

禮展其勤樂奏其節庶品苾芬神明是達有嚴執事

俎豆乃徹穆穆雍雍均其欣悅

送神安和之曲

維壇潔清維主堅貞神之所歸依茲以寧土宇靖安

年穀順成祀事昭明永致昇平

望瘞時和之曲

晨光將發既侑既歆瘞茲牲幣達於幽陰神人和悅
實獲我心永久禋祀其始於今

臣等謹按明史樂志第一云園丘奏迎神中和等
九曲方丘同太社太稷易迎神曰廣和省奉牲餘
並與方丘同曲詞各異今此九曲即樂志第二所
載現有進俎凝和一曲與二丘奉牲奏凝和同並

未嘗省也志一殆以奉牲進俎為兩事耶且志二
詳載洪武元二年及八年二丘樂章皆不稱奉牲
而稱進俎又寧可云省奉牲也

洪武十一年合祭太社稷樂章

迎神廣和之曲

予惟土穀兮造化工

按王圻續通考
會典俱作功

為民立命兮當

報崇民歌且舞兮朝

按王圻續
通考作期

雍雍備筵率職兮候

迓迎想聖來兮祥風生欽當稽首兮告

按會典王圻
續通考俱有

拜年豐

初獻壽和之曲

氤氳氣合兮物遂蒙民之立命兮荷陰功予將玉帛
兮獻微衷初斟醴薦兮民福洪

亞獻豫和之曲

予令樂舞兮再捧觴願神昭格兮軍民康思必穆穆
兮靈洋洋感恩厚兮拜祥光

終獻熙

按三折續通考
樂律志俱作寧

和之曲

千羽飛旋兮酒三行香烟繚繞兮雲旌幢子今稽首
兮忻且惶神顏悅兮霞彩彰

徹饌雍和之曲

粗陳微禮兮神喜將琅然絲竹兮樂舞揚願祥普降
兮遐邇方烝民率土兮盡安康

送神安和之曲

氤氳氤氳兮祥光張龍車鳳輦兮駕飛揚遙瞻稽首
兮去何方民福留兮時雨暘

望瘞時和之曲

捧殺羞兮詣瘞方鳴鑿率舞兮聲鏗鏘思神納兮民
福昂子稽首兮謝恩光

臣

等謹按是時罷句龍棄配位以仁祖配享其配
位更不製樂章者四年已有配位不別奏樂之詔
也至奠幣進俎未見改作亦不云仍用舊詞後嘉
靖十年樂章亦闕此二奏將省之耶抑史略之耶
觀初獻有子將玉帛云云而嘉靖十年樂章初獻

亦有菲幣在笥云云似屬并省

嘉靖十年初定帝社稷樂章隆慶元年罷

迎神時和之曲

東風兮地脉以融首務兮稼穡之工

秋祭云金風兮萬寶以充忻成

兮稼穡之工

祀神於此兮苑中願來格兮慰予衷

初獻壽和之曲

神兮臨止禮薦清醇菲幣在笥初獻式遵神其鑒茲

享斯藻蘋我祀伊何祈報是因神兮錫祉財

按史志作則照

會典
改 阜吾民

亞獻雍和之曲

二觴載舉申此殷勤神悅兮以納祥霽兮氤氳

終獻寧和之曲

禮終兮酒三行喜

按樂律
志作嘉

茂實兮黍稷梁農事待兮

豐康予稽首兮以望

徹饌保和之曲

祀事告終三獻既周徹之罔遲惠注田疇迺以休貺

庇茲有秋

送神廣和之曲

耕耨伊首

秋祭云耕耨告就

力事豆籩染盛賴之於此大田

予將以祀神其少延願留嘉祉副我潔虔肅駕兮雲旋普予兮有年

望瘞曲同送神

明史禮志曰隆慶元年禮部言帝社稷之名自古所無嫌於煩數宜罷從之

臣等謹按嘉靖實錄云帝社帝稷壇不設奠玉此
初獻所以但云菲幣在筭也至二十二年八月以
得瑞麥嘉禾遣官攝祭欽降樂章命奏奠玉帛乃
借太社稷玉奠獻據此當有續製奠玉帛一章今
不可考矣

洪武二年分祀天神地祇樂章

迎天神奏中和之曲

吉日良辰祀典式陳太歲尊神雷雨風雲

按王圻續
通考此處

有京畿山川城隍之神二句明會典同
濯濯厥靈昭鑒我心以候以迎

來格來歆

奠帛以後咸同朝日

迎地祇奏中和之曲

吉日良辰祀典式陳惟地之祇百靈繽紛嶽鎮海瀆

山川城隍內而中國外及四方濯濯厥靈昭鑒我心

以候以迎來格來歆

奠帛以後咸同朝日

洪武六年合祀天神地祇樂章

迎神保和之曲

吉日良辰祀典式陳太歲尊神雷雨風雲嶽鎮海瀆
山川城隍內而中國外及四方濯濯厥靈昭鑒我心
以候以迎來格來歆

奠帛以後咸同朝日

臣等謹案明史樂志第一云祭太歲風雷嶽瀆迎

神奏中和奠帛奏安和初獻奏保和亞獻奏肅和

終獻奏凝和徹豆奏壽和送神奏豫和望燎奏熙
和此即合祀天神地祇樂章也乃樂志第二載此
除迎神改保和外餘並同朝日朝日則奠幣保和
初獻安和亞獻中和終獻肅和徹饌凝和送神壽
和望燎豫和曲名節奏殊別

嘉靖九年復分祀天神地祇樂章 隆慶元年罷

按禮志云

禮臣言天神地祇已從祀南北郊具仲秋神祇之祭不宜復舉今罷之

迎天神保和之曲

吉日良辰祀典式陳景雲甘雨風雷之神赫赫其靈
功著生民參贊元化宣布蒼仁爰茲報祀鑒斯藻蘋

奠帛以後俱如舊

迎地祇保和之曲

吉日良辰祀典式陳靈嶽方鎮海瀆之神京畿四方
山澤羣真毓靈分隅福我生民薦斯享報鑒我恭寅
奠帛以後亦如舊

洪武四年祀周天星辰樂章

迎神凝和之曲

星辰垂象布列元穹擇茲吉日祀禮是崇濯濯厥靈
昭鑒我心謹候以迎庶幾來歆

奠帛保和之曲詞同朝日

初獻保和之曲

神兮既留品物斯薦奉祀之初醴酒斯奠仰惟靈耀
以享以歆何以侑觴樂奏八音

亞獻中和之曲

神既初享亞獻再升以酌醴齊仰薦於神洋洋在上
式燕以寧庶表微衷交於神明

終獻肅和之曲

神既再享終獻斯備不腆菲儀式將其意薦茲酒醴
成我常祀神其顧歆永言樂只

徹豆豫和之曲

祀事將畢神既歆只徹茲俎豆以成其禮惟神樂欣
無間始終樂音再作庶達微悰

送神雍和之曲詞同朝日

望燎雍和之曲

神既享祀靈馭今旋燎烟既升神帛斯焚巍巍霄漢
條馬以適拳拳余衷瞻望弗及

嘉靖八年祀太歲月將樂章

迎神

吉日良辰祀典式陳輔國佑民太歲尊神四時月將
功曹司辰濯濯厥靈昭鑒我心以候以迎來格來歆

奠帛以後俱與神祇壇同

會典曰神祇壇隆慶元年議罷惟太歲月將特祭

於山川壇如初

洪武元年宗廟樂章

迎神太和之曲

按王圻續通考作中和明會典同

慶源發祥世德惟崇致我眇躬開基建功京都之中

按會典王圻續通考俱作內

親廟在東惟我子孫永懷祖風

按會典王

圻續通考樂志作風者豈永樂後改眇躬為祖宗因又改宗為風以避重複耶氣體則同呼

吸相通來格來崇皇靈顯融

奉冊寶熙和之曲

時享不用

維水有源維木有根先世積善福垂後昆冊寶鏤玉
德顯名尊祇奉禮文仰答洪恩

進俎凝和之曲

時享不用

明明祖考妥神清廟薦以牲牲匪云盡孝願通神明
願成治效此帝王之道亦祖考之教

初獻壽和之曲武功之舞

按樂志一云初獻則德饗
熙仁各奏樂舞亞終獻則

四廟
共之

德祖
廟云

思皇高祖穆然深元其遠歷年其神在天尊臨
太室餘慶綿綿歆於几筵有永其傳

懿祖
廟云

思皇曾祖清勤純古田里韜光天篤其祐佑我
曾孫宏開土宇追遠竭虔勉遵前矩

熙祖
廟云

維我皇祖淑後貽謀盛德靈長與泗同流發於
孫枝明禋載修嘉潤如海思何以酬

仁祖
廟云

維我皇考既淳且仁弗耀其身克開嗣人子有

天下尊歸於親景運維新則有其因

亞獻豫和之曲文德之舞

對越至親儼然如生其氣昭明感格在庭如見其形
如聞其聲愛而敬之發乎中情

終獻熙和之曲文德之舞

承先

按會典王圻續
通考俱作前

人之德化家為國母曰予小子

基命成績欲報其德昊天罔極慤慤三獻我心悅懌
徹豆雍和之曲

樂奏具

按會典王圻續通考俱作儀

肅神其燕嬉

按王圻續通考同會典乃作娛

恐當作娛

告成於祖亦右皇妣敬徹不遲以終祀禮祥光

煥揚錫以嘉祉

送神安和之曲

顯兮幽兮神運無迹鑿馭逍遙安其所適其靈在天
其主在室子子孫孫孝思無斁

王圻續通考曰朝享太廟諸樂章詔梁寅等分撰

二十一年更定初獻合奏

餘並同

思皇先祖耀靈於天源衍慶流由高逮元元孫受命
追遠其先明禋世崇億萬斯年

臣等謹案永樂以後改迎神章致我眇躬句為助

我祖宗又改終獻章首四句為惟前人之功肇膺

天歷延及予

史志誤作於
照會典改

小子爰受方國

條並
同

嘉靖十五年孟春九廟特享樂章

太祖廟迎神太和之曲

於皇於皇兮仰我聖祖乃武乃文攘夷正華為天下

大君粵

按粵字史志
脫照會典添

比隆於古越比放勳肇造王業

佑啓予小

按史志作子
照會典改

孫功德超邁太室攸尊首稱

春祀誠敬用申維神格思萬世如存

初獻壽和之曲

薦帛於篚潔牲於俎嘉我黍稷

按會典
作稷黍

酌我清酌愚

孫必祀奠獻初舉翼翼精誠對越我皇祖居然顧歆

永錫純祐

亞獻豫和之曲

箛舞既薦

按會典樂律
志俱作遠

八音洋洋工歌喤喤醇醴載

羞齊明其將之永佑於子孫歲事其承之俾嗣續克

承百世其保之

終獻寧和之曲

三爵既崇禮秩有終盈溢乎顯顯相肅雍惟皇祖格

哉以繹以融申錫無窮暨於臣民萬福攸同

徹饌豫和之曲

禮畢樂成神悅人宜籩豆靜嘉敬徹不遲穆穆有容

秩秩其儀益祇以嚴矧敢斁於斯

還宮安和之曲

於皇斯祖陟降在天清廟翼翼禋祀首虔明神既留

寢祐

按史志誤作祐照會典改

靜淵介福綏祿錫蔭綿綿以惠我

家邦於萬斯年

成祖廟迎神太和之曲

於維文皇重光是宣克戡內難轉坤旋乾外讐百蠻

威行八埏貽典則於子孫不忘不愆聖德神功格於

皇天作廟奕奕百世不遷祀事孔明億萬斯年

三獻徹饌還宮俱與太祖廟同

仁宗廟迎神太和之曲

明明我祖盛德天成至治訏謨邁駿有聲專奠致享
惟古經是程春祀有嚴以迓聖靈惟陟降在庭以賚
我思成

初獻壽和之曲

幣牲在

按會典
作載

陳金石在懸清酒方獻百執事有虔

明神洋洋降歆自天俾我孝孫德音孔宣

亞獻豫和之曲

中誠方殷明神如存醴齊孔醇再舉壘尊福祿穰穰
攸介攸臻追遠報酬罔極之恩

終獻寧和之曲

樂比聲歌佾舞婆娑稱彼玉爵酒旨且多獻享維終
神聽以和孝孫在位受福不那

徹饌雍和之曲

牲牲在俎稷黍在簋孝享多儀格我皇祖稱歌進徹
髦士膺膺孝孫受福以敷錫於下土

還宮安和之曲

揖享孔明物備禮成於昭在天以莫不聽神明

按會典作

明神即安維華寢是憑肇祀迄今百世祇承

宣廟英廟憲廟俱與仁廟同

孝廟迎神太和之曲

列祖垂統景運重熙於維孝皇敬德允持用光於大

烈化被

按史志作彼
照會典改

烝黎專廟以享經禮攸宜俎豆

式陳庶幾來思

初獻壽和之曲

粢盛孔蠲脂肥牲牲考鼓淵淵萬舞躑躑清醑初酌
對越在天明神居歆式昭厥虔

亞獻豫和之曲

祀事孔勤精意未分樂感鳳儀禮虔駿奔醞齊挹清
載奠瑤尊神其格思福祿來臻

終獻寧和之曲

樂舞既成獻享維終明明對越彌篤其恭篤恭維何
明德是宗神之聽之萬福來同

徹饌雍和之曲

牲牢醴陳我享我將黍稷蘋藻潔白馨香徹以告成
降禧穰穰神錫無彊祐我萬方

還宮安和之曲

禮享既洽神御聿興廟寢煌煌以憑以寧維神匪遐

上下在庭於寢孔安永底我烝民之生

武廟迎神太和之曲

按史志脫下四字照會典添

列祖垂統景運重熙於維武皇昭德敦威用剪除奸
克大業弗隳專廟以享經禮攸宜俎豆式陳庶幾來
思

三獻及徹饌還宮俱與孝廟同

臣等謹按明會典直以睿廟六章列武廟前躋僖
之逆史志正之

睿廟迎神太和之曲

於穆神皇秉德凝道仁厚積累配於穹昊流慶顯休
萃於眇躬施於無窮以似以續以光紹我皇宗惟茲
氣始俎豆是供循厥典禮式敬式崇神其至止以鑒
愚衷

初獻壽和之曲

制帛牲牢庶羞芬膋玉戚朱干協於韶簫清醑在筵
中情纏綿神之格思儀形儼然

亞獻豫和之曲

瑤爵再陳侑以工歌
籥舞蹌蹌八音諧和
孝思肫肫感格聖靈
致愨則存如聞其聲

終獻寧和之曲

儀式弗踰奠爵維三
樂舞雍容以雅以南
仰仁源德澤岳崇海
淵願啓我子孫緝熙
光明維兩儀是參
徹饌雍和之曲

嘉饌甘只亦既歆只
登歌迅徹敬終維始
惟神孔昭

賚永成於孝矣

還宮安和之曲

幽顯莫測神之無方祀事既成神返諸帝鄉申發休

祥俾

按俾字史志
脫照會典添

蔭嗣蕃昌宜君兮宜王歷世無彊

嘉靖十五年定九廟時禘樂章

孟夏迎神太和之曲

序屆夏首兮風氣薰禮嚴時禘兮戛擊鐘鼓迎羣主
來合享交歆於皇列聖正南面以申崇報皇勲

初獻壽和之曲

瞻曙色方昕仰列聖在上奠金觥而捧幣紋小孫執

盈兮敢不懼慙

亞獻豫和之曲

思皇祖仰聖神來列主會太宸時禘修循古倫惟聖

鑒歆愚孫忱恂

終獻寧和之曲

齊醴清兮麥熟新籩豆潔兮孝念申仰祖功兮宗德

願降祐兮後人

徹饌雍和之曲

樂終兮禮成告玉振兮訖金聲徹之弗違以肅精誠
還宮安和之曲

三獻就兮祖宗鑒享一誠露兮念維長思弗盡兮思
弗忘深荷德澤之啟佑小孫惟願以餘光神返宮永
安保家國益昌

孟秋迎神太和之曲

時兮孟秋火西流感時誌祀兮爽氣回喜金風兮飄
來仰祖宗兮永慕哉秋禘是舉兮希鑿歆小孫恭迓
兮捧素裁

初獻壽和之曲

皇祖降筵列聖靈聯執事恐踴樂舞踴躡小孫捧盈
兮敢弗虔

亞獻豫和之曲

再酌兮玉漿潔淨兮馨香祖宗垂享兮錫允昌萬歲

兮此禮行

終獻寧和之曲

進酒三統歌舞雍
龔鐘鼓轟鈔皇祖
列聖永享愚誠
徹饌雍和之曲

秋嘗是舉黍黍豐
農三獻既周聖靈
顯容小孫時思
恩德兮惟愷

還宮安和之曲

仰皇祖兮聖神功
祀典陳兮報莫窮
嘗裕告竣鸞馭

旋宮皇靈在天主在室萬禩陟降何有終

孟冬迎神太和之曲

時兮孟冬凜以淒感時必祀兮氣潛回朔朔風兮北
來仰祖宗兮永慕哉冬禘是舉兮希鑒歆小孫恭迓
兮捧素裁

三獻俱同孟秋

徹饌雍和之曲

冬烝是舉俎豆維豐三獻既周聖靈顯容小孫時思

恩德兮惟懼

還宮同孟秋但改嘗禘為烝禘

嘉靖十五年定大禘樂章

迎神太和之曲

仰慶源兮大發祥惟世德兮深長時惟歲殘大禘洪
張祖宗聖神明明皇皇遙瞻兮頓首世德兮何以忘
初獻壽和之曲

神之格兮慰我思慰我思兮捧玉卮捧來前兮慄慄

仰歆納兮是幸已而

亞獻豫和之曲

再舉瑤漿樂舞羣張小孫在位陪助賢良百工羅從
大禮肅將惟我祖宗顯錫恩光

終獻寧和之曲

思祖功兮深長景宗德兮馨香報歲事之既成兮典
則先王惟功德之莫報兮何以量

徹饌雍和之曲

三酌既終一誠感通仰聖靈兮居歆萬禩是舉兮庶
乎酬報之衷

還宮安和之曲

顯兮幽兮神運無迹神運無迹兮化無方靈返天兮

主返室願神功聖德兮啓佑無終

按終字於韻
不叶疑誤

元孫

拜送兮以謝以祈

嘉靖十年定大禘樂章

迎神元和之曲

於維皇祖肇創丕基鍾祥有自曰本先之奄有萬方
作之君師追報宜隆以申孝思瞻望稽首介我休禧
初獻壽和之曲

木有本兮水有源人本祖兮物本天思報德兮禮莫
先仰希鑒兮敢弗虔

亞獻仁和之曲

中鴈載升於此瑤觥小孫奉前願歌其誠樂舞在列

庶職在庭祖鑒孔昭錫祐攸亨

按史志誤作
享照會典改

終獻德和之曲

於維兮先祖延慶兮深高追報兮曷能三進兮香醪
徹饌太和之曲

芬兮豆籩潔兮黍粢祖垂歆享徹乎敢遲

按史志誤
作違照會

典禮云告備以訖陳詞永裕後人億世丕而

送神永和之曲

禘祀兮具張佳氣兮鬱昂皇靈錫納兮喜將一誠通
兮萬載昌祈鑒祐兮天下康仰源仁浩德兮曷以量

小孫頓首兮以望遙瞻冉冉兮聖靈皇皇

嘉靖二年御製改題興獻帝家廟祭告樂章

迎神太和之曲

秉德奉藩仁孝謙恭委祉冲人入紹大宗故國綿邈
新此閟宮以安明靈萬世攸崇祀事孔嚴精神感通
來格洋洋風雲景從

初獻壽和之曲

明靈在天陟降于庭聲容肅然顧茲嘗烝舞以八佾

庶將其誠於萬斯年裡祀永

按王圻續通考作承承

亞獻豫和之曲

裳衣既設籩豆更新惟祭之豐至養莫伸再酌清醑
以薦明裡有秩斯祜錫我後人

終獻寧和之曲

荷勤勞以生深恩罔極舉追崇之典萬舞有奕禮以
三成虔恭無斁江漢湯湯延我世澤

徹饌雍和之曲

菲薦具陳既歆既享敬徹不遲顧瞻下上濯濯厥靈
式慰遐想報告以慈錫之景貺

還宮安和之曲

倏來忽往神化無方風馭雲駟返於帝鄉祥光奕奕
旌旆央央衣冠在廟孝思不忘

嘉靖五年御製世廟樂章

迎神永和之曲

初獻清和之曲

亞獻康和之曲

終獻沖和之曲

徹饌太和之曲

送神寧和之曲

詞俱闕

嘉靖十七年九月上成祖睿宗廟號樂章

成祖廟迎神太和之曲

天眷不遲誕降我皇祖夙秉文德聿昭聖武攘除姦
兇戢寧寰宇維典章未備翳孝孫是補大號鴻名卓

絕千古寶冊攸躋精裡斯舉將降休兮聖靈騰爐烟
兮燎炬尚來格來歆以篤天之祐

舉冊寶熙和之曲

於穆文祖貽我不基昊天罔極永言孝思爰薦徽稱
以協民彝勒賁琬琰昭哉厥詞以詔於萬世神其聽
之

初獻壽和之曲

制帛孔純滌牲脂肥黍稷醴羞蠲潔芬馐穆穆孝孫

敬德淵微獻享初陳仰威顏其靡違

亞獻豫和之曲

于威武成於昭神功文治太平沕穆皇風樂舞既遷
禮儀肅雍奠獻載將致其孚顒願申佑我孝孫萬福
攸同

終獻康和之曲

三爵既登禮秩斯成駿奔就列虎拜盈庭匪臣工之
虔孝孫之德孔明錫皇釐於普天奠邦家兮永寧

徽饌永和之曲

古禮之經有儀有節將享既終登歌以徹祀事利成
神人胥悅惟孝孫之衷情猶纏綿其糾結

送神安和之曲

高皇謨烈我祖是成誕垂裕於後昆孝孫是徵稽古
酌今恭薦茲尊稱奕奕闕宮歲事有恆子子孫孫百

世其承

按會典行之字
照樂律志刪

睿宗
迎神太和之曲

於皇烈考濬發慶源欽明宣哲敷德允元克昌厥祚
以釐我子孫筮薦徽稱惟大德是尊惟烈考鑒茲臨
享如存

舉冊寶熙和之曲

月吉兮良辰薦鴻號兮受命溥將日星赫奕兮玉冊
輝煌啓中興兮七葉頌貞符兮萬方

初獻壽和之曲

載清酌兮犧尊瑟笙喤喤兮鐘鼓於論樂一奏兮爵

一獻靈來享兮鑿茲熏熏

亞獻豫和之曲

瑤觴濯兮元酒登懷明德兮薦椒馨翳昭考兮陟降
在庭顧孝享兮靈心載寧

終獻康和之曲

三獻畢陳八音舉百辟相予祀事慈愛敬極兮揚名
始異皇考兮綏孝子

徹饌永和之曲

笙鏞止豆籩撤禮莫愆孝靡竭神具醉兮以莫不懌
賚我思成兮純嘏是錫

降座安和之曲

神之來思天路修神之去思路寢幽幽既安既妥兮
靡淹留莫宗祊兮永錫洪庥

嘉靖十七年九月睿宗升祔九廟合享樂章

迎神太和之曲

太室巍巍九廟肇祀皇聖居歆惟昭

按會典衍考字
照樂律志刪

假只昭假維何欣天倫攸叙宗祏有嚴開萬禩伊始
初獻壽和之曲

酌彼鬱鬯玉瓚是將敬哉捧盈有飭其香儼皇祖在
上八聖在旁合享交欣天容洋洋

亞獻豫和之曲

樂奏既和禮嚴再獻黃流載觴玉露斯湛烝畀祖考
式衍以宴神其醉止用嘉我明薦

終獻寧和之曲

玉齊維醕萬舞盈廷尊祖享親樂奏禮行式序式和
祀事孔明於赫聖靈兮齎我思成

徹饌雍和之曲

籩豆有踐兮敬徹不遑禮儀卒度兮既敕既匡神之
聽之兮昭格洋洋保我子孫兮惠錫無疆

送神安和之曲

雲

按會典作靈
照樂律志改

輿肅肅兮靈駕歸闕宮佻兮瞻依我

其夙夜兮敬敢違願言顧歆兮俎豆光輝

嘉靖十七年十一月加上太祖謚號樂章

迎神太和之曲

繫中夏之遺艱兮汗羶羣皇天厭亂兮春求大君降
錫元命兮挺生聖神惟我太祖兮首出人倫一戎衣
奄四海兮為帝王真

舉冊寶鴻和之曲

皇祖受命兮闢乾坤驅逐異物兮復中原陳常時夏

按樂律志作
立綱陳紀

兮佑元元克配彼天兮功高業尊寅薦

冊寶兮鑒我曾孫

初獻崇和之曲

苾彼玉瓚兮酌黃流敬而將之兮晃凝旒有赫在上

兮右享羊牛

按樂律志作
儼圜立三字

保我子孫兮永荷鴻庥

亞獻豫和之曲

於皇祖兮帝中華廓清氣氛兮一統為家除兇雪恥
兮功茂以加視湯武兮德音不瑕

終獻永和之曲

爵三獻兮旨酒熏樂和鳴兮萬舞肅陳率百辟兮偕
駿奔行我祖兮神忻忻

徹饌彰和之曲

孝享畢兮禮弗愆暴牲俎兮徹豆遵於昭對越兮神
在天益篤皇祐兮萬斯年

還宮綏和之曲

薦鴻號兮大禮成仰瞻威赫兮陟降在庭列聖左右
兮懽忻合并鐘鼓響答兮祀事孔明粵有大德兮必

得其名天地固極兮欲報奚能庶幾鑒享兮寸草微
誠永賴祉福兮用保我後人

嘉靖十八年獻皇后祔廟樂章

迎神太和之曲

肅肅清廟駿奔在馬奉我母慈升祔告虔百禮有壬
八音在宣惟列聖降靈臨享一筵

初獻壽和之曲

清醑載酌筐帛既陳肴核維旅有飶其芬玉瓚初舉

翼翼欽欽以衍我祖考庶幾格歆

亞獻豫和之曲

苾彼黃流酌言至再以烝以享必敬必戒惟九聖在天景福是介伊嘏考妣俾式昌以大

終獻寧和之曲

爵獻既終鏞鼓有翼濟濟蹌蹌率我百辟於皇聖神既歆既懌惠我無疆保子孫千億

徹饌雍和之曲

享禮既備，豆徹敢違。終事有嚴，敬而將之。肇祀孔明，式永我孝思。

送神安和之曲

瞻雲駕兮翩翩，神洋洋兮在天。清廟兮肅肅，奉烝嘗兮於萬斯年。

洪武七年御製祀歷代帝王樂章

迎神雍和之曲

仰瞻兮聖容，想鑿輿兮景從。降雲衢兮後先來，俯鑒

兮微衷荷聖靈兮蒼生有宗矚諸帝兮是臨予頓首
兮幸蒙

奠帛安和之曲

按史志作保和照王
圻續通考樂律志改

秉徽誠兮動聖躬來列坐兮殿庭予今願兮効勤奉
禮帛兮列酒尊鑿予情兮忻享方旋駕兮雲程

初獻保和之曲武功之舞

酒行兮爵盈喜氣兮雍雍重荷蒙兮載瞻載崇羣臣
忻兮躍從願覩穆穆兮聖容

亞獻中和之曲文德之舞

酒斟兮禮明諸帝熙和兮悅情百職奔走兮滿庭陳
籩豆兮數重亞獻兮願成

終獻肅和之曲文德之舞

獻酒兮至終早整雲鸞兮將還宮予心眷戀兮神聖
欲攀留兮無從躡雲衢兮緩行得遙瞻兮達九重

徹饌凝和之曲

納穀羞兮領陳烝民樂兮幸生將何以兮崇報惟歲

時兮載瞻載迎

送神壽和之曲

旒幢繚繞兮導來蹤
鑾輿冉冉兮歸天宮
五雲擁兮祥風從
民歌聖佑兮樂年豐

望燎豫和之曲

神機不測兮造化功
珍羞禮帛兮薦火中
望瘞庭兮稽首願
神鑒兮寸衷

洪武六年定祀先師孔子樂章

明史樂志曰釋奠孔子初用大成登歌舊樂洪武
六年始命詹同樂韶鳳等更製樂章

迎神咸和之曲

大哉宣聖道德尊崇維持王化斯民是宗典祀有常
精純益隆神其來格於昭聖容

奠帛寧和之曲

自生民來誰底其盛惟王神明度越前聖染帛具陳
禮容斯稱黍稷非馨惟神之聽

初獻安和之曲

大哉聖王實天生德作樂以宗時祀無斁清酌惟馨
嘉牲孔碩薦羞神明庶幾昭格

亞終獻景和之曲

百王宗師生民物軌瞻之洋洋神其寧止酌彼金罍
惟清且旨登獻惟三於戲成禮

徹饌咸和之曲

犧象在前豆籩在列以享以薦既芬既潔禮成樂備

人和神悅祭則受福率遵無越

送神咸和之曲

有嚴學宮四方來宗恪恭祀事威儀雍雍款格惟馨

神馭旋復明禋斯舉咸膺百福

按玉圻續通考樂律志並云望燎同送神

會典史志俱無之

嘉靖十年改宣聖曰孔聖惟王曰惟師聖王曰聖師

臣等謹按明會典所載六曲與明史樂志同據樂

志云云應是詹同等所更製矣考之宋元樂志則

迎神咸和一曲即元龔宋舊迎神凝安曲詞莫帛
寧和一曲即宋元莫帛明安曲詞初獻安和一曲
即宋元正位酌獻成安曲詞亞終獻景和一曲即
宋元亞終獻文安曲詞徹饌咸和一曲即宋元徹
豆娛安曲詞送神咸和一曲即宋元送神凝安曲
詞其迎神等五曲皆大晟樂府所撰而徹饌一曲
則又大晟龔景祐之舊也然則終明世用大晟舊
樂洪武所定嘉靖所改皆是物也詹同等所製竟

安在耶此與元製新曲而不用正同殊不可解

洪武二年享先農樂章

迎神永和之曲

東風啓蟄地脉奮然蒼龍掛角奕奕天田民命惟食
創物有先園鍾既奏有降斯筵

莫帛永和之曲

按王圻續通考樂律志俱作壽和

帝出乎震天發農祥神降於筵藹藹洋洋禮神有帛
其色惟蒼伊具物誠敬之將

進俎雍和之曲

按此章會典王圻續通考樂律志俱闕未詳所以

制帛既陳禮嚴奉牲載之於俎祀事孔明簋簋攸列

黍稷惟馨民力普存先嗇之靈

初獻壽和之曲

按王圻續通考樂律志俱作豫和

九穀未分庶草攸同表為嘉種實在先農黍稷斯豐
酒醴是供獻奠之初以祈感通

配位云厥初生民粒食其天開物惟智邃古奚傳思文

后稷農官之先侑神作主初獻惟蠲

按配位三章會典王圻續通考

俱無之豈四年有配位不
別奏樂之詔故減去耶

亞獻壽和之曲

按王圻續通考樂
律志俱作安和

倬彼甫田其隰其原禾稌云載駮御之間報本思享

亞獻惟虔神其歆之自古有年

配位
云

后稷配天興於有邰誕降嘉種有莪有培俶載

南畝祇事三推佑神再獻歆我尊粢

終獻壽和之曲

按王圻續通考樂
律志俱作寧和

帝藉之典享祀是資潔豐嘉粟咸仰於斯時維親耕

享我農師禮成於三以訖陳詞

配位 嘉德之薦民和歲豐帝命率育報本之功陳常

時夏其德其功齊明有格惟獻之終

徹饌永和之曲

按王圻續通考樂律志俱作雍和

於赫先農歆此潔脩於篚於爵於饌於羞禮成告徹
神惠敢留餞及終畝豐年是求

送神永和之曲

按王圻續通考樂律志俱作景和

神無不在於昭于天曰迎曰送於享之筵冕衣

按會典王

圻續通考樂律
志俱作冠裳

在列金石在懸往無不之其佩翩翩

望瘞太和之曲

祝帛牲醴先農既歆不留不褻瘞之厚深有幽其瘞
有赫其臨曰禮之常匪令斯令

嘉靖九年定享先蠶樂章

迎神貞和之曲

於穆惟神肇啓蠶桑衣我萬民保我家邦茲舉曠儀
春日載陽恭迎霞馭靈氣洋洋

奠帛壽和之曲

神其臨只有苾有芬乃獻玉盞乃奠文纁仰祈昭鑒
淑氣氤氳顧茲蠶婦祈祈如雲

初獻曲同奠帛

亞獻順和之曲

載舉清觴蠶事孔明以格以享鼓瑟吹笙陰教用彰
坤儀允貞神之聽之鑒此裡誠

終獻寧和之曲

神之格思柔土是宜三纁七就惟此繭絲獻禮有終
神不我遺錫我純服藻繪呈儀

徹饌安和之曲

俎豆具徹式禮莫愆既匡既救我祀孔虔我思古人
葛覃惟賢明靈歆只永顧桑扈

送神恒和之曲

神之升矣日霽霞蒸相此女紅杼軸具興茲返元宮
鸞鳳翔騰瞻望弗及永錫嘉徵

望燎曲同送神

祀海神樂章

迎神

金節晃兮纈繡翥翠華搖兮歲蕤舉驟沆瀣兮駕旬
始屏翳驅兮豐隆駛鞭雷霆兮叱風雨逆惟怒兮惠
惟喜香芬第兮景淒靡羌洋洋兮如許語神兮神兮
斯戾止

禮神

鼓鐘奏兮鏜鏜
簫管揚兮琅琅
帛有元兮玉有璜
羌煜煜兮爛爛
盈廂黍稷芬兮
有苾其芳
盥盥飾兮厥文
孔章肅元端兮
斂衣裳儼誠敬
兮靡不將神兮
神兮假有光

初獻

爵初獻兮誠已萃
鼻欲嚏兮志不悖
衣冠肅兮容體懿
昭對越兮凝念慮
答元功兮靡自媚
瞭予鑒兮饗予意
時雨暘兮醞和氣
翁穰穰兮育羣類
神兮神兮

民所庇

亞獻

爵再獻兮誠正精虛室白兮靈府澄澄震雷迅兮神
靡驚也邕安兮端不傾攝尊圭瓚兮兩楹太羹元酒
湛且明民與嘉貺國與禎千古萬古恒不撓神兮神
兮予爾盟

終獻

爵終獻兮誠彌篤神安娛兮光耀燭宥災青兮降釐

祿柄予奮兮禍福失恆道兮殃品物陵為波兮川
為陸稼不登兮人不育苦墊溺兮愾怨讎神兮神兮
爾之辱

承釐

膳膏芬兮酌酒溫罍尊彝俎羅縵紛明裡傑制全本
文既醉既飽神載欣嘉貺蕃釐乃爾分惕息受命如
有聞錫爾人民錫爾馨

樂神

擁靈姬兮侍元女
蠶吹笙兮鼉擊鼓
長鯨清歌老蛟
舞河伯行酒御龍
脯百神效順恩湛
溥嗟為清風嘆
為雨風雨維時澤
下土神兮神兮樂
何許終國家兮
萬萬古

送神

飈輪展兮雲為衢
羽葆張兮蜺化旗
雷公蹕道俾雨
師電母舉鞭驅封
夷千騎萬騎魚龍
隨山為烈兮川
為移去矣直與元
冥期神不厭兮民
永禧年年歲歲

春秋祠

臣等謹按此與代祀大濟樂章樂志不收會典亦

未之見考之禮志洪武二年命官十八人

罪惟錄曰都督

孫遇
俾等

祭天下嶽鎮海瀆之神三年詔定嶽鎮海瀆

神號遣官以更定神號告祭

盡去前代所封名號如四海直稱某海之

神濟瀆直稱北瀆大濟之神也

十年又命官十八人分祀此樂章

不知何時所定祭海者固可通用祭瀆者又不知

何以惟濟有之也

代祀大濟樂章

降神

太行之西兮王屋之東
危巔密岫兮實神所

按王圻結通考

作兮照樂律志改

宮發為沈兮注

按下有注字或應作溢

為榮注流顯

伏勢愈雄出雲致雨兮
灌濟千秋萬歲兮報祀同

迎神

陰雨颼颼寒景流神之來兮
驟雨虬螭珠結佩琅玕
球湘靈作儷原胥儔先驅欲至妖氛收
夔魑斂跡翹

題愁

禮神

招搖轉兮夜未央
庭燎舉兮天有光
象在陛兮登歌
在堂庶羞盈俎兮
醕酒盈觴
神兮神兮爾惟嘗
玉帛
煌煌兮誠所將

初獻

神兮至止御法宮
縞衣元裳螭兩龍
元精耿兮貫白
虹休徵應兮來清風
駿奔走兮嚴百工
爵一奠兮誠

始通

亞獻

絲雲密疇流蘇敷錦裯重匝鸚武鋪明靈妥兮歡且
娛慰我明兮錫以符和氣暢兮甘霖煦爵再獻兮誠
已乎

終獻

馮虺鼓舞忻且抃蜿蜒嬉遊隱無見羣靈百怪歛變
幻神載歆兮樂昭鑒福我君兮壽無算爵終獻兮誠

靡聞

承釐

天子壽考民物休降神祉兮該九州尊神和氣迎神
庶虎拜稽首誠愈修神兮神兮良厥猷作神羞兮予
爾尤

樂神

吹管兮鳴簫鼓鐘兮伐鼗郁盧曼衍騰神鼇元冥起
舞黠雷跳神再歡兮何所昭休嘉砰隱妖祥消

送神

膏鳳輦兮排龍馬
蜺旌羽蓋兮紛布野
赭鞭鞭山兮

山為赭金戈指天兮天亦跨

按跨音枯持也又音驅與樞同於此處音義俱

不合恐是馬韻字之誤
赭裂開也

九垓八埏兮恣上下雲旗飛兮神

去也

洪武七年定祭祀回鑾樂歌

神降祥等曲三十九首詞闕

王圻續通考曰洪武癸丑

按癸丑是六年與大政記不合

翰林院

進回鑾樂歌先是帝以祭祀還宮宜用樂舞生前
導遂命翰林院儒臣撰樂章以致敬慎戒鑒意諭
之曰古人詩歌樂曲皆寓諷諫之意後世樂章惟
聞頌美無復古意矣常聞諷諫則使人惕然有警
若頌美之詞使人聞之意怠而自恃自恃者曰驕
自警者曰強朕意如此卿等其撰述毋有所避至
是儒臣上所撰神降祥神貺惠酣酒色荒禽荒諸曲
凡三十九章曰回鑾樂歌

按明樂志云
命曰御鑾歌

其詞皆存

規諫其樂舞分為八隊隊皆八人上命禮部付樂工肄習之

明史樂韶鳳傳曰洪武七年帝以祭祀駕還應用樂舞前導命韶鳳等撰詞因撰神降祥神貺惠酣酒色荒禽荒諸曲以進

太廟時享回鑾樂歌

敬祖宗之曲

詞闕

臣等謹按此曲不知何時所定或與神歡之曲皆

即在三十九首中耶

洪武二十六年定祭祀傳制樂章

萬歲樂

與朝賀同

五

典祀之曲

氤氳滿殿香
八音絲竹弄
笙簧金石音
韻彰貌土革
木度鏗鏘高
捧降明香吾
皇誠念詣神
方神不妄禍
淫福善理之常

成化元年視學還宮導駕御鑾歌

神歡之曲

臣聞古帝王受天命統四方宵衣旰食治道章一心
誠敬感昊蒼龍翔鳳舞神心樂康臣民讚時皇萬壽
無疆

明會典曰凡大祀天地祭社稷山川幸太學耕藉
田禮畢回鑾教坊樂俱奏神歡之曲

駕至奉天門升座百官行禮奏萬歲樂朝天子之曲

還宮奉萬歲樂

與朝賀同

隆慶三年大閱禮成回鑾樂章

武成之曲

吾皇閱武成簡戎旅壯帝京龍旗照耀虎豹營六師
雲擁甲冑明威靈廣播蠻夷震驚稽首頌昇平四海
澄清

洪武十八年定王國祭社稷樂章

迎神廣清之曲

初獻壽清之曲武功之舞

亞獻豫清之曲文德之舞

終獻熙清之曲文德之舞

徹饌雍清之曲

送神安清之曲

望瘞時清之曲

詞俱闕

祭山川儀與社稷同但改詣瘞位為燎位及樂歌不

同詞亦闕

洪武十八年定王國宗廟樂章

迎神太清之曲

仰祖考兮德容陳時祝兮奉迎思眷顧兮一氣感通
神其格兮鑒此微衷

初獻壽清之曲

胙土於茲兮宗祀是承廟奕奕兮安神靈薦常祀兮
以享以寧禮初獻兮心屏營

亞獻豫清之曲

祖有德兮垂至今享恩封兮皇恩深仰神眷兮酒重

卷一百一十五
斟歲烝嘗兮具來歆

終獻熙清之曲

禮三獻兮酒在尊
思形容兮想聲音
頻瞻聽兮若見
聞神其享兮佑茲後人

飲福徹饌雍清之曲


祀禮兮既終奏樂兮雍容
籩豆兮斯徹儀物兮匪豐
祥光兮昭煥神心兮感通

送神望燎安清之曲

惟祖考兮有靈植厚德兮深仁惠子孫兮世相承再
拜送神兮鑒此衷情

明實錄曰弘治十三年命各王府宗廟禮樂悉遵
國初頒降定制先是寧王宸濠奏本國社稷山川
壇禮樂俱有舊制惟廟祀禮樂未有定式乞敕該
部查國初魯賜王國宗廟禮樂則申明施行倘當
時未遑則創制頒賜得旨所司看詳以聞禮部以
洪武先年學士宋濂等奏准諸王國祭祀樂章用

清字迎神用太清等凡六曲今但有曲名而無曲
詞請下各王府查考至是靖江王府長史司具上
迎神等六曲云云禮部覆准頒行各王府一體遵
守



欽定續文獻通考卷一百十五